


Kristohanon, sa Kamalinawon!

(Visayan Version)



R. B. THIEME, JR.

With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:
(Gihatag pinaagi sa GLSP nga walay bayad o obligasyon.
Para sa dugang pang kasayuran text o tawag:)
Email: jersal1978@yahoo.com (Visayan)
Smart: 0998-845-2964 (Visayan)
Smart: 0908-236-1434 (Ilonggo)

The electronic version of this book can be read or downloaded
through the Internet address <https://www.gracelsp.ph>.
(Ang elektroniko nga bersiyon niini nga libro mahimong mabasa o
mabalhin ang datos pinaagi sa Internet adres nga
<https://www.gracelsp.ph>.)

KRISTOHANON, SA KAMALINAWON!

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

Orihinal nga naimprinta isip *Christian, at Ease!*

© 1993, 1991, 1978, 1963 ni R. B. Thieme, Jr. Tanang katungud gitagana.

Unang edisyon napatik niadtong 1963. Ikaupat nga edisyon 1993.

Ikatulong impresyon 2018.

Kini nga basahon napatik gikan sa mga pakigpulong ug wa-imantala nga mga sinulat ni R. B. Thieme, Jr.

Sa pag-order niini nga libro sa English, kontaka:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay bahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Napatik sa Tagbilaran City, Bohol, Philippines, 2021.

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila Amado D. Carejo, David C. Vicoy ug Raflyn H. Salutan.
Gipatik nga may pagtugot sa R. B. Thieme, Jr., Bible Ministries.

Mga Sulud

Pasiuna.....	v
Usa ka Dihadiha-Dayon nga Kapahulayan.....	1
Imo Ang Katungud-Pagpili	8
Ayaw Kini Sipyata!	14
Pasagdi ang Ginoo sa Pagbuhat Niini	18
Mga Hiyas sa Pagtoo-Pahulay	21
Unsaon Nimo Pagbuhat ang Pagtoo-Pahulay?	25
Pagsalig diha sa Ginoo.....	31
May Bugti sa Pagpaabot	39
Mga Saad alang sa mga Magtotoo.....	43

Pasiuna

Kay pinaagi niini Siya mitugyan ngari kanato sa Iyang bililhon ug hamili nga mga saad, aron nga pinaagi kanila kamo mamahimong mga sumasalmot sa divine nga hiyas. (2 Pedro 1:4a)

Kini nga libro napatik gikan sa mga pakigpulong ug wa-imentala nga mga sinulat ni R. B. Thieme, Jr.

Gawas kon gitumbok, ang Kasulatan nga mga kinutlo maoy mga hinubad sa tagsulat gikan sa orihinal Hebreyo ug Griyego. Ang mga reperensiya nga minarkahan og NASB maoy hinubad gikan sa *New American Standard Bible*. Ang sinanggaang komentaryo nagatin-aw sa kahulugan, nagapadayag sa exegesis, o nagalambigit sa yugto diha sa umaabot nga hilisgutan. Mga pagrekord sa Bibliyanhong mga klase ang maangkon gikan sa R. B. Thieme, Jr., Bible Ministries, Houston, Texas.

USA KA DIHADIHA-DAYON NGA KAPAHULAYAN

Sandig diha sa Ginoo ug paabot
sa mapailubon alang Kaniya.
(Salmo 37:7a)

Ug ang kalinaw sa Dios, nga
nagalabaw sa tanang panabut,
magguardiya [garison] sa in-
yong mga kasingkasing ug sa
inyong mga hunahuna pinaagi ni
Kristo Jesus. (Mga Taga-Filipos
4:7)

ADUNAY USA KA DIVINE NGA KASANGKA-

PAN sa *hingpit nga suludnong kalinaw* alang sa tagsatagsa ka magtotoo diha ni Ginoong Jesu-Kristo. Kini nga kalinaw maykalambigitan ngadto sa relasyon sa magtotoo diha ni Kristo. Kon ikaw misalig ni Kristo alang sa kaluwasan, ikaw nahisakup ngadto sa harianong pamilya sa Dios (1 Pedro 2:9). Ikaw nahiusa uban ni Kristo (2 Mga Taga-Corinto 5:17, 21). Ikaw karon nanag-iya og daghang divine nga mga bahandi nga gipasalig sulud sa tibuuk eternidad (Mga Taga-Efeso 1:3). Isip usa ka magtotoo ikaw mag-ambit tanan kang Kristo ug tanang anaa ni Kristo (Mga Taga-Roma 8:17).

Apan diyutay ra sa mga Kristohanon ang magpahimulus sa mga panalangin nga gikahatag sa Dios kanila. Ang kadaghanan kugihan kaayo sa pagpangita og kalipay, kugihan kaayo nga nagkapuliki sa pagpangitag katagbawan ug katumanan, diin sila wala makakita sa usa sa mahinungdanong mga prinsipyo diha sa Pulong sa Dios. Adunay usa ka dapit sa suludnong

kalinaw, kalipay, ug kusog, usa ka dapit sa kalig-on, gahum, ug impak nga makab-ot sa matag Kristohanon. Bisan pa sa kalisud sa panghitabo, bisan pa sa mga presyur, mga pagsulay, o mga problema, ang mga magtotoo makabaton sa “kalinaw sa Dios, nga nagalabaw sa tanang panabut.”

Diha sa Kasulatan, kini nga dapit sa kalinaw usahay gitawag og “kakahulayan” (Mga Hebreohanon 4:1). Kini dili angay masaypan diha sa usa ka pagpahulay sa ikapito nga adlaw (Levitico 19:3, 30) o sa usa ka tuig igpapahulay (Levitico 25:2, 4). Kini usa ka dihaduha-dayon nga kakahulayan—usa ka dapit sa panalangin ug gahum taliwala sa mga kalisdanan sa kinabuhi. Gitinguha sa Dios alang sa matag magtotoo sa pagsalig Kaniya sa wayhunong. Apan kadaghanan sa mga magtotoo wala gayud maggamit sa pagsangkap sa grasya sa Dios, bisan pa og kini maangkong sa tanan.

Dalayegon *mao* ang Dios ug
Amahan sa atong Ginoong Jesu-

Kristo, kinsa nakapanalangin kanato uban sa tanan nga espirituhanong panalangin ngadto sa langitnong *mga dapit* pinaagi ni Kristo. . . . *Akong iampo nga ang mga mata sa inyong kasingkasing malamdagan, aron nga kamo makahibalo og unsa ang paglaum sa Iyang tawag, unsa ang mga bahandi sa himaya sa Iyang panulundon diha sa mga santo.* (Mga Taga-Efeso 1:3, 18)

Kon, isip usa ka magtotoo diha ni Jesu-Kristo, ikaw nakasalig Kaniya alang sa *dako* nga butang—kaluwasan (Mga Taga-Efeso 2:8–9), makasalig ka ba karon Kaniya alang sa *gagmayng* mga butang—imong matag-adlaw nga mga panginahanglan (Mga Taga-Roma 8:31–32)? Ang pagpadala sa Iyaha mismong Anak ngadto sa krus alang sa pagsagubang sa imong mga sala mao ang kinadak-ang pagsangkap sa Dios gayud nga nahimo alang kanimo (1 Pedro

2:24; 1 Juan 2:2). Kon Siya mihimo sa *kinadak-an* alang kanimo didto sa krus, Siya ba moundang sa paghimo og mga butang alang kanimo karon? Kon Siya nakahimo sa kinadak-an alang kanimo samtang, isip usa ka dimagtotoo, ikaw Iyang kaaway (Mga Taga-Roma 5:10), nunot niini nga Siya mosangkap sa imong mga panginahanglan karon nga ikaw Iya nang anak (Mga Taga-Galacia 3:26).

Siya nga wala mipalingkawas sa Iyaha mismong Anak, kundili mitugyan Kaniya alang kanatong tanan, nganong Siya dili man usab tungud Kaniya sa gawasnon mohatag kanato sa tanan nga mga butang? (Mga Taga-Roma 8:32)

Kadaghanan sa mga Kristohanon nakadungog sa sayup nga pamahayag, “Dawata lamang si Kristo isip Manluluwas, ug tanan nimong mga problema masulbad.” Kon ikaw miuyon niini nga ilusyon, ikaw

makasinati sa usa ka kakugang! Ikaw wala pay hibangkaagan hangtod nga ikaw makasinati sa usa ka malisud-kaayong kahimtang, diin ikaw wala gayuy masulti o mahimo, diin ikaw makurat sa hilabihan gikan sa pag-ataki sa katalagman nga ikaw lugos gani makahimo sa pag-ampo. Sa dili madugay, ang Dios nagadala sa matag tawo ngadto sa kinutuban sa iyang kaugalingon nga tawhanong kahinguhaan. Hinonoa si Jesus miingon:

“Kining mga butanga [doktrina sa Bibliya] Ako misugilon diha kaninyo, nga pinaagi Kanako kamo makabaton og kalinaw. Sulud sa kalibutan kamo makabaton og kalisdanan, apan pagmaisogon [pagbaton og kompiyansa]; Akong nabuntog ang kalibutan.”
(Juan 16:33)

Uban sa Dios wala gayuy waykasulbaran nga mga kahimtang. Adunay paglaum

alang sa tagsatagsa. Alang sa dimagtotoo: *Too diha ni Jesu-Kristo*. Alang sa magtotoo: *Pagkat-on og doktrina sa Bibliya*—paminaw ngadto sa pagtulon-an sa Pulong sa Dios. Doktrina sa Bibliya mao ang kahimanan diin ikaw makapalig-on sa imong kinabuhi ug makasulbad sa matag problema, kasubo, kahigawad, ug kapakyasan.

Ikaw ba nasayod nga ikaw dili gayud mahimong hamtong sa espirituhanon nga magtotoo ang tinguha sa Dios alang kani-mo gawas kon ang imong pagtoo masulayan sulud sa pipila ka hitabo? Usa sa labing maloloy-on nga mga butang nga himoon sa Dios mao ang pagtugot sa mga kalisud ug mga kapit-os. Niining paagiha, ikaw makakat-on sa pagsalig diha Kaniya inay sa imong kaugalingong pamaagi ug kahimanan.

Salig diha sa Ginoo sa tibuuk ni-
mong kasingkasing,
Ug ayaw pag-agad sa imong kau-
galingong panabut.

Sa tanan nimong pamaagi pag-
pasalamat Kaniya,
Ug Siya motul-id sa imong mga
dalan. (Mga Proberbio 3:5–6)

Pinaagi sa *pagtoo* ikaw makaangkon niini nga saad ug sa uban nga susama niini ug magsulud niining dihadiha-dayon nga *kapahulayan*. Kini ang *pagtoo-pahulay nga kinabuhi*.

IMO ANG KATUNGUD-PAGPILI

Kon kini gayud usa ka normal nga semana, ikaw makatagbo og mga kalagot, mga kapakyas, mga kahigawad—malagmit pa mga hilabihan-nga-kaguul ug mga kalit-nga-kalislanan. Tingali ikaw nasubo na o emosyonal nga nasilo ug mipakita og ‘kalit nga kalisang’ tungud sa talagsaon nga kahimtang. Sulud sa susamang mga kondisyon, ikaw adunay duha ka alternatibo: Matahap sa Pulong sa Dios ug mahi-

mong makalolooy sa hingpit, o toohan ang Pulong sa Dios ug magsulud sa pagtoo-pahulay nga kinabuhi.

Ang tawhanong mga kasulbaran labaw sa tanan dikasaligan. Ang sikolohiyanhong sublimasyon ug kompensasyon magsangkap lamang og lumalabay nga mga tubag. Sa pikas nga bahin, ang Dios nagaingon, “Magtotoo, sandig Kanako! Salig Kanako! Ako mihatag kanimo sa Akong Pulong—ang mga saad ug mga doktrina diha sa Bibliya. Una, gusto ko nga ikaw *makahibalo* kanila, ug unya gusto ko nga ikaw *motoo* kanila ug *mogamit* kanila alang sa imong mga problema.”

Kay sulud sa adlaw sa kasamok
Siya motago kanako diha sa
Iyang tabernakulo [mga saad];
Sulud sa sekretong dapit sa I-
yang pinuy-anan [doktrina] Si-
ya motago kanako;
Siya mosapnay kanako ibabaw
sa dakong-bato. (Salmo 27:5)

Adunay gatosan sa bibliyanhong mga saad. Ang pipila alang sa panahon, ang uban alang sa eternidad. Ang mga saad alang sa eternidad maglarawan sa pagkatinuud sa imong kaluwasan ug magsulbad sa problema gikan sa kahadlok sa kamatayon. Sila sa ingon-usab magpalambo og kompiyansa, mahitungud nianang umaabot nga hitabo sa dihang ang Dios mopatuman kanila. Ang Dios misaad kanimo og usa ka lawas nga susama gayud nianang sa Anak sa Dios (Mga Taga-Filipos 3:21). Ang Dios misaad nga wala na gayuy kasubo, wala nay mga luha, wala nay kasakit, wala nay kamatayon—ang karaang mga butang mangahanaw gayud (Pinadayag 21:4). Ikaw mopuyo hangtod sa hangtod sulud sa usa ka mansiyon (Juan 14:2–3) ug anaa sa atubangan uban sa Ginoo (2 Mga Taga-Corinto 5:8).

Tungud kay ang imong waykatapusang kaugmaon nasulbad, ikaw karon makapunting diha sa mga saad nga gidesinyo alang sa temporal nga mga problema dinhi

sa kalibutan. Kini nga mga saad imo alang sa pag-angkon taliwala sa kalisdanan—karon, ugma, ug sa sunud adlaw.

Tingali ikaw maghunahuna, “Ako sa pag-katinuud wala gayuy mga problema nga wala nako makaya; ang tanan misangpot sa tukmang paagi.” Buyno, pasalamat ang Dios alang niini. Siya nagahatag kanimo og kahigayonan sa kauswagan alang sa pagpangandam sulud sa mga panahon sa kalisdanan. Ug kon ikaw mabuhi sa igong gidugayon, ikaw sa dikalikayan moatubang og pipila ka makuyaw nga kahimtang. Apan bisan pa sa pag-antos ug kalisud, kini posible sa paghuput sa mao ra nga kalinaw ug kalipay sulud sa kauswagan. Kana maoy kalig-on!

Ikaw makahimo pagmata inig kabuntag ug makaingon, “Amahan, Imo kining adlaw. Ako nagginhawa gihapon. Ako buhi gihapon. Unsay Imong dala alang kanako karong-adlaw? Salamat, Amahan, alang niining panahon sa kalisud. Ako nasayod nga kini ang Imong pagbuut alang kana-

ko niining taknaa.” Ang Dios nagatugot sa pag-antos alang sa pagsulay sa imong pag-too, alang sa pagdisiplina kanimo, o alang sa pagtudlo kanimo (samtang walay lain pang makahimo) sa kabililhon sa pagkat-on sa Iyang Pulong.

Sa *matag-butang* pagpasalamat; kay kini ang pagbuut sa Dios alang kanimo pinaagi ni Kristo Jesus. (1 Mga Taga-Tesalonica 5:18, mga italiko gidugang)

Maayo kini alang kanako nga ako nasakit,
Aron nga ako makakat-on sa Iyang mga balaod. (Salmo 119:71)

Ako *nasayod*, O GINOO, nga ang Imong mga paghukum maoy matarong,
Ug gumikan sa kamatinumanon Ikaw mipasakit kanako. (Sal-

mo 119:75, mga italiko gidu-
gang)

Alang kanimo ingon nga usa ka nagtubo nga magtotoo, ang kalisdanan usa ka hagit alang sa pagpatubo sa imong kahibalo sa doktrina aron nga ikaw mamahimong hamtong sa espirituhanon ug makahimo sa makanunayong pagsalig diha Kaniya. Ang tanang inpormasyon nga gikinahanglan alang sa paglabang sa pagsulay anaa sulud sa kanon sa Kasulatan. Pagkat-on niini! Unya pinaagi sa pagtoo yanong mag-angkon sa mga kamatuuran nga imong nakatonan. Toohi ang mga saad sa Dios! Niining paagiha ikaw mapalig-on pinaagi sa mismong gahum sa Dios (Mga Hebreohanon 4:11–14).

Siya mitugyan ngari kanato sa Iyang bililhon ug hamili nga mga saad, aron nga pinaagi kanila kamo mahimong makaambit sa divine nga hiyas [nagpadayag sa

mga kaligdong ni Kristo pinaagi sa
espirituhanong pagkahamtong].
(2 Pedro 1:4b)

AYAW KINI SIPYATA!

Busa, kahadlok nato aron walay, samtang ang usa ka saad nagapadayon sa pagsulud sa Iyang kapahulayan, si bisan kinsa kaninyo gayud daw og dili makaabot niini. Kay sa pagkatinuud kita nakabaton sa maayong balita nga gisangyaw ngari kanto, maingon usab kanila [ang Exodo nga henerasyon]; apan ang pulong nga nadunggan nila wala makaayo kanila, tungud kay kini wala gihiusa sa pagtoo niadtong kinsa nakadungog. Kay kita nga mitoo [ang pagtoo-pahulay nga teknik] makasulud ni-

ana nga kapahulayan. (Mga Hebreohanon 4:1–3a)

Ang mga magtotoo sa katibuk-an giman-doan nga dili mahadlok (Isaiah 41:10). Apan aniay usa ka eksepsiyon: Ang magtotoo kinahanglan mahadlok gikan sa pagkapyas sa pagsulud sa pagtoo-pahulay nga kinabuhi. Ang magtotoo kinahanglan nga mahadlok sa pagbaton og usa ka kinabuhi sa kabalaka, kahingawa, kapaitan, kasina, kinaugalingong-pagkamatarong, pagkatalamayon, kalaay, kasaputon—usa ka kinabuhi nga kulang sa kapahulayan sa Dios. Ang magtotoo kinahanglan mahadlok nga mawad-an sa kaayohan sa unsay gisangkap sa Dios diha sa Iyang Pulong. Apan ang mga saad ug mga doktrina gikan sa Pulong mapuslanon lamang kon ang magtotoo nagasagol kanila uban sa iyang pagtoo. Ug sa dili pa siya makahimo *pagtoo* sa mga saad, siya kinahanglan *mahibalo* kanila. Sa dili pa siya makahibalo sa mga saad siya kinahanglan *makat-on* kanila. Apan siya dili

makakat-on o makaangkon sa mga saad kon wala ang pagpuno sa Balaang Espiritu. Sa dili pa ikaw makahimo pag-angkon sa mga saad ikaw kinahanglan magsunud pag-una sa divine nga mga instruksiyon nga maykalabutan sa pagfellowship uban sa Dios.

Kon kita magsugid [maghingalan] sa atong mga sala [ngadto sa Dios nga Amahan], Siya matinumanon ug matarong sa pagpasaylo kanato sa atong [nahibaloan] mga sala ug sa paghinlo kanato gikan sa tanang dipagkamatarong [wamahibaloan ug nahikalimtan nga mga sala]. (1 Juan 1:9)

Sa takna sa imong pagdawat sa waykatapusang kinabuhi pinaagi sa pagtoo diha ni Kristo, ikaw dihadiha napuno sa Balaang Espiritu ug 'sulud sa fellowship' uban sa Dios. Ikaw dili gayud mawad-an sa imong

kaluwasan; ang imong *waykatapusang relasyon* uban sa Dios wala gayuy kausaban (Mga Taga-Galacia 3:26). Apan sa higayon nga ikaw makasala isip usa ka magtotoo, ikaw mawad-an sa pagpuno sa Espiritu ug sa imong *temporal fellowship* uban sa Dios. Ang Dios wala nagatinguha kanimo sa pagpabilin sulud sa usa ka kahimtang sa sala, makanunayong gawas sa fellowship. Busa, Siya mihimo og kasangkapan alang sa pagpabalik sa pagkontrolar sa Balaang Espiritu, nga nagapasugod-pag-usab sa imong fellowship uban sa Dios. Ikaw mawad-an sa pagpuno sa Balaang Espiritu sa matag higayon nga ikaw makasala; ikaw magbawi niini pinaagi sa pribadong pagsugid sa imong mga sala ngadto sa Dios nga Amahan. Kita mapakyas sa daghang higayon, apan wala gayuy kapakyasan nga molabaw pa kay sa grasya sa Dios. Sa higayon nga ikaw mapakyas, paghingalan sa imong mga sala, pag-angkon sa usa ka saad, ug pagkinabuhi sa pagtoo-pahulay nga kinabuhi.

PASAGDI ANG GINOO SA PAGBUHAT NIINI

Pagtambog sa tanan nimong kahingawa [kabalaka] diha Kaniya, tungud kay Siya nagaamuma kanimo. (1 Pedro 5:7)

Tagbawa ang imong-kaugalingon diha sa GINOO;

Ug Siya mohatag kanimo sa mga gitinguha sa imong kasingkasing.

Pagpiyal sa imong paagi ngadto sa GINOO,

Pagsalig usab diha Kaniya, ug Siya mobuhat niini. (Salmo 37:4–5)

Ang Hebreyo nga pulong alang sa “tagbaw” diha sa Salmo 37:4–5 nagakahulugan og “nga maokupar ni.” Kon ikaw mahigugma sa usa-ka-tawo sa hilabihan, ikaw

maghunahuna bahin nianang tawhana sa kanunay. Ikaw gimandoan nga maokupar diha sa Ginoo sa susamang paagi. Ang mga panalangin magsangpot gikan sa pagpalandong diha ni Jesu-Kristo.

Ang pulong “pagsalig” niining yugtoa mao ang “padayon pagsalig” sa tinitik. Apan unsaon man nimo sa padayon pagsalig Kaniya ubus sa kalisud? Imong sultian ang Amahan, “Ako anaa sa usa ka alaot nga kahimtang, usa ka hingpit nga kalisud. Ako nahibalo sa prinsipyo sa 1 Pedro 5:7. Busa ania, Ginoo: Ako magpiyal sa akong problema diha Kanimo. Ako magsalig Kanimo. Imo kining problema, Amahan, dawata kini. Ikaw ang magsulbad niini. Ang gerra Imoha!”

Ang gerra iya sa Ginoo. Kini nga prinsipyo migula sa mga ngabil ni David samtang siya mibarog atubangan ni Goliath (1 Samuel 17:47). Kon ikaw isip usa ka magtotoo diha ni Jesu-Kristo mag-atubang og dimabangbang nga mga kasakbang, kon ikaw magsinati og kahingawa, itambog ang

imong mga kabalaka diha sa Dios. Kini dili na imong away. Gusto ang Ginoo kanimo sa pagtan-aw *Kaniya* nga makig-away!

Ikaw tingali magsulay sa pagsulbad sa imong kaugalingon nga problema ug mag-ingon, “Ako gayud nakahunahuna sa usaka-butang, Ginoo; ihatag og balik kana nga problema!” Unya ikaw maggamit sa imong kaugalingon nga tawhanong kasulbaran, ug ang tanan mangapakyas. Ikaw mahimong labi pang miserable ug sa katapusan maghukum sa pagtunol sa imong problema pagbalik ngadto sa Dios. “Amahan, karon akong hinumduman nga 1 Pedro 5:7 lamang ang motabang nako. Karon ako andam sa pag-angkon niini. Ako magtambog sa tanan nakong mga kabalaka diha Kanimo, tanan nakong mga kahingawa, tanan nakong mga problema ug mga kabalisa. Ania, Amahan, dawata silang tanan!”

Sunud-niana ikaw makalma, ug human sa pipila ka minuto ikaw makabaton og suludnong kalinaw. Apan sa kalit, ikaw makahunahuna og laing kasulbaran: Oh, Gi-

noo, ihatag kana pagbalik!” Sa ingon-niini ikaw maggugol sa imong panahon pag-pasa sa mga problema ngadto-nganhi, samtang ikaw magpabilin nga mahigawad ug masulub-on. Ang Dios sa matinumanon nagaamuma kanimo taliwala niining tanan, apan ang “kapahulayan” diha sa pagtoo-pahulay dili maangkon nimo kon dili ikaw magtugyan sa imong mga problema ngadto Kaniya, pagbilin kanila diha Kaniya, ug padayon sa unahan uban ang kasigurohan nga ang imong kinabuhi anaa sa Iyang takus nga mga kamut.

MGA HIYAS SA PAGTOO-PAHULAY

Alang sa usa nga nakasulud sa Iyang kapahulayan siya-mismo usab nakapahulay gikan sa iyang mga buluhaton, sama sa gihimo sa Dios sa Iyaha. Tungud-niini magmakugihon ta [matinguhaon] sa pagsulud niana nga kapa-

hulayan, aron dili si bisan-kinsa mapakyas pinaagi sa *pagsunud* sa susamang panig-ingnan sa pagkadili-matumanon [pagkawalay-pagtoo]. (Mga Hebreohanon 4:10–11)

Una sa tanan, ang pagtoo-pahulay usa ka wayhunong, *nabatasan nga pagtoo*, nga sagad gitawag og kamalahutayon o kamapailubon (Mga Taga-Roma 12:12). Ang kamapailubon wala nagapasabut nga ikaw maglingkod nalang ug walay buhaton. Ang kamapailubon ingon sa gihulagway diha sa Kasulatan nagakahulugan og kamalungtaron diha sa pagtoo sa Pulong sa Dios; sa paggamit og usa ka malig-on nga pagtoo diin nagapabilin bisan pa kon ang kasamok nagapadayon; sa paghawid sa mga saad sa Dios bisan pa og ikaw misangpot sa waypaglaum nga kahimtang.

Ikaduha, pagtoo-pahulay mao ang *pagkawala-diha sa mga buhat*. Kini wala nagakahulugan nga ikaw moundang sa imong

trabaho ug mahimong usa ka libodsuroy. Kini nagakahulugan nga imong tugotan ang Dios sa pagpakig-away alang kanimo. Ikaw mohunong og pagsulay sa pagsulbad sa imong kaugalingon nga mga problema nga lahi gikan sa mga kahinguhaan sa Dios; ikaw adunay usa ka makalmang pang-hunahuna—usa ka kalinaw sa hunahuna taliwala sa bisan-unsang-butang nga nagpanghitabo sa palibot kanimo.

Sa dihang ang matag detalye mahitun-
ngud sa pagbuhat nasangkap, ang Magbu-
buhat mipahulay—dili tungud kay Siya gi-
kapoy, kundili tungud kay ang Iyang traba-
ho nakompleto na (Genesis 2:2). Gumikan-
niini, isip usa ka paghandum sa Iyang pag-
sangkap sa grasya, ang Dios mideklarar
og usa ka “kakahulayan.” Nagsugod gi-
kan sa “pundasyon sa kalibutan” (Mga
Hebreohanon 4:3), kini nga kakahulayan
milungtad sa kahangturan. Ang Dios naka-
sulbad na sa tanang problema ug karon
nagatanyag sa usa ka kasulbaran alang sa
matag dilema. Siya nagapasalig og kapa-

hulayan alang niadtong kinsa mag-angkon sa Iyang mga saad pinaagi sa pagtoo.

Ang Bugtong nga misangkap niini nga mga saad maoy dimausab ug matuud; busa, Siya sa kanunay matinumanon sa pagtuman sa Iyang Pulong (Mga Pagbangutan 3:21–24). Tungud kay Siya usab omnipotent, Siya “maykatakus usab sa pagtuman” sa bisan-unsang-butang nga Siya nakasaad (Mga Taga-Roma 4:21). Ang mekanika maglahi—Siya odi mopalingkawas kanimo *gikan* sa problema o mopalahutay kanimo *taliwala* sa problema “aron nga ikaw makahimo sa paglungtad niini” (1 Mga Taga-Corinto 10:13).

Ikatulo nga hiyas sa pagtoo-pahulay nga teknik mao ang *pag-ampo*. Sa matag higayon nga ikaw maggamit og usa ka saad sama sa 1 Pedro 5:7—“Pagtambog sa tanan nimong kahingawa [kabalaka] diha Kaniya, tungud kay Siya nagaamuma kanimo”—ikaw naggamit sa pagtoo-pahulay. Ug kana nga saad naangkon pinaagi sa pag-ampo.

Busa magduul kita nga may kompiyansa ngadto sa trono sa grasya, aron nga kita makadawat sa kalooy ug makakaplag sa grasya nga motabang sa panahon sa panginahanglan. (Mga Hebreohanon 4:16)

UNSAON NIMO PAGBUHAT ANG PAGTOO-PAHULAY?

Adunay tulo ka ang-ang sa pagtoo-pahulay. Kini nga mga ang-ang magporma og usa ka epektibong pagbansaybansay alang sa pagsunud sa higayon nga ikaw nahasol pag-ayo gumikan sa mga kalisud diin ikaw dili makahunahuna sa tin-aw. Ang kakugang o presyur makapahimo sa imong mga emosyon sa pagpasulbong sa kalagot sulud sa imong kalag. Kini makaguba sa imong konsentrasyon ug temporaryong magpapas sa doktrina sa Bibliya nga imong

nakat-onan. Busa ang anam-anam nga paagi maoy gikinahanglan. Apan kini nga teknik labi pang mapuslanon kon ang sitwasyon dili bug-at. Kay kini nga paagi sa piho ug sa masistemahon nagatultul kanimo paingon sa bodega sa imong kalag diin ang imong imbentaryo sa doktrina sa Bibliya gitipigan.

Ang-ang 1. *Pag-angkon sa usa ka saad alang sa paglig-on sa imong kalag.* Pag-hinumdom sa usa ka saad gikan sa Pulong sa Dios. Hinuktuki og unsa ang kahulugan sa saad. Pag-ila nianang gikan sa divine nga panglantaw ang imong sitwasyon *dili* waypaglaum. Dios mao ang nagkontrolar sa gihapon ug, ingon sa kanunay, Siya mikaput kanimo pinaagi sa Iyang gamhanan, mahigugmaong mga kamut. Kini nga katinuuran nagapakalma sa imong mga kahadlok ug nagapaarang kanimo sa paggamit og doktrina sa Bibliya nga imong nahibal-an.

Ang-ang 2. *Gamita ang saad diha sa makatarunganong-pasikaran sa doktrina.*

Ang makatarunganong-pasikaran usa ka sukaranong rason, kapasikaran, o katin-awan. Ang matag bibliyanhong saad gipaluyohan sa usa ka doktrina o serye sa mga doktrina. Ang paggamit og makatarunganong-pasikaran sa doktrina maoy usa ka salabutanong proseso sa pag-uswag paingon sa usa ka bibliyanhong konklusyon. Ang saad nga imong gigamit diha sa ang-ang 1 sa pagtoo-pahulay nga pagbansaybansay mao ang minugbong katingbanaan sa daghang maykalambigitan nga mga kamatuuran. Hinumdumi kadtong maykadugtongan nga mga doktrina. Ang imong pagtoo-pahulay mamahimong labing epektibo samtang kini nagahawid ngadto sa masdakong bato, samtang kini nagatagik ngadto sa masbaga nga pisi, samtang kini nagaangkon sa tibuuk dugtongdugtong sa sukaranong mga doktrina sa Bibliya.

Ikaw mahimong maggamit sa *makatarunganong-pasikaran sa lohistika sa grasya*, nga nagapahimug-at sa pagkamatinumanon sa Dios diha sa pagsangkap sa

imong mga panginahanglan. Ikaw mahimong maggamit sa *makatarunganong-pasikaran sa plano sa Dios*, nga nagapadayag kanimo sa imong dapit diha sa waykatapusang katuyoan sa Dios ug nagababab sa mga bahandi nga Siya nakahatag kanimo alang sa pagtuman sa imong espirituhanong padulngan dinhi sa kalibutan. O ikaw mahimong maggamit sa *makatarunganong-pasikaran sa esensiya sa Dios*, nga nagapunting diha sa mga hiyas sa mismong kinaiya sa Dios diin migarantiya sa iyang mga saad. Adunay daghan nga makatarunganong-pasikaran sa doktrina. Ang matag saad pinasikad sa usa o sa daghan pa gikan niini nga mga makatarunganong-pasikaran ug sila magsangko sa piho nga mga konklusyon.

Ang-ang 3. *Pagkab-ot sa doktrina nga mga konklusyon*. Ang mga makatarunganong-pasikaran sa doktrina magsangko ngadto sa doktrina nga mga konklusyon. Usa sa labing-maayo nga mga konklusyon makaplagan diha sa Mga Taga-Roma 8:31.

Unsa man unya atong ikasulti bahin niining mga butanga? Kon ang Dios sulud kanato, kinsa ang supak kanato? (Mga Taga-Roma 8:31)

Kon ikaw mag-uswag pinaagi sa pagtoo-pahulay nga pagbansaybansay ikaw moabut sa punto diin ikaw motoo sa tinuuray niini nga konklusyon, inay sa pagbalikbalik lamang niini sa walay mapangisipong pagtagad. Ikaw tingali sa kanunay magdawat niini ingon nga tinuud, apan ang pagtoo-pahulay nga pagbansaybansay nagapalihok nianang doktrinal nga konklusyon aron ikaw magkaplag sa kaisog, kapahulayan, ug kahamugaway diha sa iyang kamatuuran.

Human sa paggamit sa tulo ka ang-ang sa pagtoo-pahulay nga pagbansaybansay, ang imong hunahuna mapalig-on; ikaw kahibalo sa natad nga imong nahimutangan. Ikaw niining-tungura makapahibalik sa imong pagtagad ngadto sa umaabot nga problema. Karon ikaw makasabut sa un-

sang-paagiha ang imong gamay nga problema nagasibo sulud sa tibuuk talan-awon sa pagkamatinumanon sa Dios. Karon ikaw sa tiunay makapahulay, makarelaks, ug makasalig diha Kaniya alang sa mga kasulbaran samtang ikaw magpadayon diha sa imong kinabuhi. Ang pagtoo-pahulay tingali magkinahanglan og treynta segundo o taas pa, nag-agad sa daghang hinungdan. Ikaw tingali magkinahanglan sa pagbalik ug pagsubli sa usa ka hugna o magsugod pag-usab gikan sa sinugdanan tungud kay ang kahadlok nagatungha pag-usab. Sa katapusan, ang pagtoo-pahulay mamahimong usa ka nagpadayon nga paagi sa pagkinabuhi, kay pagtoo-pahulay mao ang pangsulbad-sa-problema nga himan diin nagahimo sa doktrina sa Bibliya nga usa ka buhing kamatuuran sa imong kasinatian.

PAGSALIG DIHA SA GINOO

Usa sa labing malisud nga mga hagit diha sa Kristohanong kinabuhi mao ang pag-agad diha sa Ginoo alang sa kalingkawasan nga wala gayuy pagsal-ot og tawhanong mga kasulbaran. Kini *wala* nagakahulugan nga ikaw maglingkod lamang ug magpakawag-paglaum, o pasagdan imong hunahuna nga mablangko ug magsulay sa pagpapas sa katinuuran. Hingpit nga pagkamaagaron nagakahulugan nga ikaw maggamit sa imong hunahuna sa pagsalig sa Ginoo sa kanunay: “Paghulat ug tan-awa ang kaluwasan [pagpalingkawas] gikan sa GINOO” (Exodo 14:13*b*). Ania ang sekreto: Siya nagahatag og gahum ngadto sa gikapoy, ngadto sa mahuyang. Ang Bibliya wala gayud nagaingon nga nagatabang ang Dios niadtong kinsa magtabang sa ilang-kaugalingon. *Ang Dios nagatabang sa mahuyang.*

Siya nagahatag og kusog ngadto
sa gikapoy,
Ug ngadto *kaniya kinsa* kulang sa
katakus Siya nagadugang og
kusog. (Isaiah 40:29)

Ikaw tingali sa wayhunong manglimbasog sa pagsulbad sa imong kaugalingon nga mga problema ug tingali sa balikbalik makasugat og dimairog nga babag. Ikaw tingali makabaton og panagbangi sa uban alang sa pagpadayag sa imong paningkamot! Unsay angay nimong buhaton mao ang pag-ila sa imong hingpit nga pagkadili-makahimo ug pagsugod sa pag-agad diha Kaniya. “Ang GINOO makig-away alang kanimo samtang ikaw wamagtingog” (Exodo 14:14).

Unsaon man nimo sa pag-agad diha sa Ginoo? Una, ikaw kinahanglan makaamgo nga ang “pag-agad” usab mahimong sabton isip “pagsalig” o “pagtoo.” Adunay pipila ka Hebreyo nga mga pulong alang sa pagtoo.

1. *Aman*, gihubad og “gitoohan” diha sa Genesis 15:6, gigamit una-sa-tanan alang sa kaluwasan. Kini nagakahulugan og “sa paggamit sa Dios isip usa ka sangga o isip usa ka pundasyon; sa pagsandig diha Kaniya.”
2. *Batach*, gihubad og “pagsalig” diha sa Mga Salmo 37:3, 5 ug 91:2, sa orihinal gigamit alang sa usa ka magdudumog nga naglambos sa lain. Tungud niini nga gigikanan ang pulong mipasabut og “pagpunit sa imong mga kasamok ug paglambos kanila diha sa Ginoo.” Kini ang sukaranong pulong alang sa pagtoo-pahulay.
3. *Chasah*, diha sa Salmo 57:1, sa orihinal mipasabut og “sa paglayas sama sa usa ka koneho nga nangita og kawangpan sulud sa usa ka gawang sa dakong-bato.” Pag-usab, kini usa ka pulong alang sa pagtoo. Ang salmista migamit sa katangdian alang sa pagtago sulud sa usa ka gawang sa Dakong-bato (Kristo Jesus) diin wala

gayuy makahilabot kanimo.

4. *Yachal*, makaplagaan diha sa Job 13:15 ug Mga Pagbangutan 3:21, 24, nagapasabut sa pagsalig samtang anaa sa hilabihang kasakit. Bisan pa og ikaw miserable sa hingpit o taliwala sa tumang-kapait sa pag-antos, ikaw makabaton og kompiyansa sa kaling-kawasan. Busa, kini mipasabut og “sa pagsalig ubus sa kalisud.”
5. *Qavah*, ang labing-mapahimug-aton nga pulong alang sa pagtoo, gihubad og “paghulat” diha sa Isaiah 40:31, sa orihinal gigamit alang sa paghimo og pisi pinaagi sa pagtagik sa usa ka mahuyang, daling mabugto nga lanot ngadto sa usa ka malig-ong pisi nga dili mabugto.

Ikaw tingali usa ka huyang kaayo nga lanot, apan kon ikaw padayon pagsalig sa Ginoo bisan pa sa tanang kalisdanan, bisan pa sa pagkawalay-paglaum sa sitwasyon, ikaw mobaylo sa imong kahuyang alang sa

kalig-on sa Ginoo.

Apan niadtong kinsa maghulat
alang sa GINOO
Makaangkon og bag-ong kalig-
on;
Sila mosakay *dih*a sa mga pako
nga susama sa mga agila,
Sila modagan ug dili kapoyon,
Sila molakaw ug dili mangaluya.
(Isaiah 40:31)

Ang resulta sa pagpatunhay sa pagtoo-
pahulay nga teknik bisan pa sa dikapug-
ngang bintaha maoy usa ka pagpuli sa
tawhanong kalig-on alang sa divine nga
kalig-on. Sa laing pagkasulti, sa higayon
nga ikaw mag-ingon, “Ginoo ako dili ma-
kahimo niana,” ang Ginoo sa kanunay na-
gatubag, “Apan Ako makahimo! Ako moha-
tag kanimo sa kalig-on alang sa pag-ag-
wanta sa imong problema. Ako mosangkap
sa tanang kahinguhaan nga gikinahanglan
kanimo alang sa pag-atubang niining tra-

hedya sa imong kinabuhi.” Ikaw magbaylo sa imong diigo nga tawhanong kalig-on alang sa sarang-sa-tanan nga gahum sa Dios. Ug ang resulta? Ikaw molupad! Ikaw “mosakay diha sa mga pako nga susama sa mga agila.” Ikaw dili magpuyo nga ‘magul-anon sa hilabihan.’ Ikaw maglupad ibabaw sa imong mga problema.

Dugang pa, ikaw “modagan ug dili kapoyon.” Matngoni nga ang bayloay sa kalig-on wala gidesinyo alang sa mga maglulumba-sa-dagan. Unsa man ang maglulumba-sa-dagan? Siya ang tawo kinsa nagatoo sa mga saad sa Dios sulud sa hamubong panahon, ilabina kon siya anaa sa kasamok. Apan sa dihang ang problema mawagtang, sa ingon-usab ang iyang pagtoo. Sa laing bahin, ang divine nga kalig-on gidesinyo alang sa magdadagan sa taas nga kalay-on kinsa nagapanag-iya sa gahum sa Dios pinaagi sa makanunayong katulin. Ang gahum sa Dios dili mag-usab-usab. Kini waykausaban ug wayhunong ug wala nagaagad diha sa paghunas ug pag-

taub sa tawhanong kalig-on. Ang divine nga gahum diha sa imong kinabuhi naga-agad diha sa pagsalig sa Pulong sa Dios sulud sa malisud nga panahon ug sulud sa kauswagan. Ikaw ba nagkinabuhi sa hunonghunong? O ikaw ba nag-abante sa kanunay paingon sa espirituhanong pagkahamtong sa paggamit og labaw-sa-kinaiyahan nga mga pagsangkap sa Dios?

Ang gahum sa Dios nga Balaang Espiritu nagahiusa uban sa Pulong sa Dios diha sa pagpatuman sa Kristohanong paagi sa kinabuhi (Mga Taga-Roma 8:16; Mga Hebreohanon 4:12). Ingon nga magtutudlo sa Pulong, ang Balaang Espiritu mao ang myembro sa kinaiya-sa-Dios kinsa nagapadayag og doktrina sa Bibliya. Ang pagpuno sa Espiritu ug ang pagkatigum sa doktrina sa Bibliya sulud sa kalag maghimo sa gahum sa Dios nga mapuslanon diha sa kinabuhi sa magtotoo. Ang pagtoo-pahulay nga teknik mao ang paagi sa paggamit niana nga gahum. Ug kon ang magtotoo nagaangkon niining waykinutuban nga ga-

hum alang sa tanang panginahanglan diha sa iyang kinabuhi, siya mamahimong usa ka *Kristohanong malinawon*.

Unya siya “molakaw ug dili kapoyon.” Ang matag magtotoo kapoyon usahay. Kitang tanan madismaya. Kitang tanan ‘modawat og kapildihan’ matag karon ug unya ug mawad-ag paglaum. Paglakaw nagahulagway sa magtotoo sulud sa fellowship uban sa Ginoo (Mga Taga-Galacia 5:16; Mga Taga-Efeso 5:18). Ang usa ka magtotoo nga “dili kapuyon” *dili* perpekto. Hinoon, siya nagatala og labing-taas nga gidugayon sa panahon sulud sa fellowship uban sa Dios. Kini nga magtotoo nahibalo ug nagaangkon sa mga saad ingon sa Salmo 55:22.

Itambog inyong salagubangon diha sa GINOO, ug Siya moabag kaninyo;

Siya dili gayud motugot sa matarong [ang magtotoo diha ni Kristo] nga maluya.

(Salmo 55:22)

MAY BUGTI SA PAGPAABOT

Ang Isaiah 40 nagatudlo nga may bugti sa *pagpaabot alang sa Ginoo*—sa padayon sa pagsalig Kaniya. Siya mao ang Bugtong lamang ikaw makasalig sa kanunay uban sa kasigurohan nga ang tanan nimong mga problema masulbad. Ang Bugtong kinsa mihan-ay sa mga kasulbaran alang sa tanang panginahanglan sa kinabuhi ang may gahum sa pagsulbad kanila: “Kay wala gayuy imposible sa Dios” (Lukas 1:37). Ang tawo nahaylo diha sa iyang siyentipikanhong kalamboan, sa iyang bag-o nga mga teknolohiya, sa iyang pagpanaw sa kawanangan. Apan unsay kapuslanan sa kalampusan sa tawo kompara ngadto sa buhat-sa-kamut ni Ginoong Jesu-Kristo? Si Kristo milalang sa dimaihap nga kabitoonan ug mga galaksiya (Salmo 8:3; Mga Taga-Colosas 1:16–17). Wala ka ba magtoo nga Siya makadumala sa imong problema?

Tungud og kinsa Siya ug unsay Iyang mahimo, ikaw gayud makabaton og kali-

naw, gahum, ug kalig-on, bisan pa anaa sa labing mabatukon nga panghitabo. Imong pagtoo gayud ang mahimong usa ka anaa-kanunay, positibo, dihadiha-dayon nga pag-salig diha sa gahum sa Dios alang sa pag-dumala sa imong ‘mga katalagman.’ Ang hamtong nga Kristohanon nagatoo sa mga saad sa Dios waysapayan og unsay mahitabo, bisan pa kutub nianang gitooan ni Job sa dihang siya miingon, “Bisan pa og Siya mopatay kanako, ako molaum [adunay kompiyansa] diha Kaniya” (Job 13:15a). *Kana* ang paghulat diha sa Ginoo! *Kana* ang dihadiha-dayon nga kapahulayan. *Kana* ang tukmang-pananglitan sa pagtoo-pahulay nga teknik.

Kini masayon sa pagtoo sa mga saad sa Ginoo kon ang mga butang nahisubay sa imong plano. Apan kon ang sitwasyon masulub-on ug waypaglaum, dili ba diay mao gihapon nga Ginoo uban kanimo taliwala sa kangitngit? Wala ka ba makasusi sa laktod sa mga aninag ug makakita Kaniya pinaagi sa Iyang Pulong, pinaagi sa doktrina sa

Bibliya nga natigum sulud sa imong kalag? Kon ang Dios—ang Ginoong Jesu-Kristo—mimugna sa wanang-kaayo nga uniberso ug wala gayud makawang pagbuhat sa usa lang ka atomo; kon Siya nasayod sa higayon nga ang balinsasayaw malaglag, wala ka ba naghunahuna nga Siya makasulbad sa imong mga problema (Mateo 10:29)?

Siya adunay usa ka saad o usa ka doktrina alang sa *matag* kakulian, ingon usab sa matag kalampusan! Si Jesu-Kristo “walay kalainan kagahapon ug karon, oo ug sa kahangturan” (Mga Hebreohanon 13:8). Siya dili gayud mausab. Siya mopadayon sa paghulat alang kanimo sa pagsalig Kaniya aron nga Siya makapanalangin kanimo.

Busa ang GINOO nagahandum
nga maloloy-on diha kanimo,
Ug busa Siya nagahulat sa kahi-
tas-an sa pagbaton og kalooy
diha kanimo.

Kay ang GINOO usa ka Dios sa
hustisya;

Pagkabulahan sa tanan niadtong
kinsa maghandum Kaniya.
(Isaiah 30:18)

Paghulat diha sa Ginoo mao ang labing-masiboton alang pagdaginot sa panahon. *Padayon diha sa pagtoo sa Pulong sa Dios*—walay sapayan og unsay mahitabo, walay sapayan og unsay mga kalisud, walay sapayan unsa ka mabatukon ang imong panghitabo.

Ug kon walay pagtoo kini imposible sa pagpahimuut *Kaniya*, kay siya nga nagaduul sa Dios kinahanglan magtoo nga Siya mao, ug *nga* Siya ang tigpang-ganti alang niadtong kinsa mangita Kaniya. (Mga Hebreohanon 11:6)

MGA SAAD ALANG SA MGA MAGTOTOO

“Ayaw pagmahadlukon. Ayaw kahadlok, o kalisang, o kakurog atubangan kanila, kay ang GINOO inyong Dios mao ang usa nga nagauban kaninyo, sa pagpakig-away alang kaninyo batok sa inyong mga kaa-way, sa pagluwas kaninyo.” (Deuteronomio 20:3b–4)

“Pagmalig-on ug pagmaisogon, ayaw kahadlok o kakurog diha kanila, kay ang GINOO inyong Dios mao ang usa nga nagauban

kaninyo. Siya dili mopakyas kaninyo o mobiya kaninyo.” (Deuteronomio 31:6)

Ako mipahimutang sa GINOO sa kanunay atubangan kanako; Tungud kay Siya anaa sa akong toong kamut, ako dili maluya. (Salmo 16:8)

Paghulat alang sa GINOO; Pagmalig-on, ug tugoti ang inyong kasingkasing sa pagbaton og kaisog; Oo, paghulat alang sa GINOO. (Salmo 27:14)

Bulahan ang nasod kansang Dios mao ang GINOO, Ang katawhan kinsa Siya mipili alang sa Iyang kaugalingong kabilin. (Salmo 33:12)

Ang kalihukan sa usa ka tawo gikapahimutang sa GINOO; Ug Siya nagapahimuut sa iyang kahimtang. Sa dihang siya malaglag, siya dili gayud mabundak nga una-angulo; Tungud kay ang GINOO maoy Usa nga nagagunit sa iyang kamut. (Salmo 37:23–24)

Sa higayon nga ako mahadlok, ako mo-butang sa akong pagsalig diha Kaniya. (Salmo 56:3)

Nagbantay sa mga dalan sa hustisya, Ug Siya nagapatunhay sa lakat sa Iyang mga matinoohon. (Mga Proberbio 2:8)

“Ang maunongon nga hunahuna Imong ipabilin diha sa hingpit nga kalinaw, Tungud kay siya nagasalig diha Kanimo.” (Isaiah 26:3)

“Ayaw kahadlok, kay Ako uban kanimo; Ayaw sa mabalak-on pagsud-ong sa palibot nimo, kay Ako ang imong Dios. Ako mopalig-on kanimo, sa wayduhaduha Ako motabang kanimo, Sa wayduhaduha Ako moamping kanimo uban sa Akong matarong nga toong kamut.” (Isaiah 41:10)

Ang malumong-pagbati sa GINOO sa pagkatinuud dili gayud matapos, Kay ang Iyang mga kalooy dili gayud mapakyas. *Sila* bag-o sa kada buntag; Hamili ang Imong pag-

kamatinumanon. (Mga Pagbangutan 3:22–23)

“Ug ang tanang butang ikaw maghangyo pinaagi sa pag-ampo, pagtoo, imong madawat.” (Mateo 21:22)

“Kay wala gayuy imposible diha sa Dios.” (Lukas 1:37)

“Ug Ako maghatag og waykatapusang kinabuhi ngadto kanila, ug sila dili gayud mangalaglag; ug walay usa makailog kanila gikan sa Akong kamut. (Juan 10:28)

Kon *ang* Dios alang kanato, kinsa *ang* batok kanato? (Mga Taga-Roma 8:31)

Walay tentasyon ang makaabut kanimo gawas lamang nianang sagad sa tawo; ug ang Dios matinumanon, kinsa dili motugot kanimo nga tintalon labaw sa unsay imong masarang, apan uban sa tentasyon mosangkap og paagi sa paglingkawas usab, aron nga ikaw makahimo sa pag-agwanta niini. (1 Mga Taga-Corinto 10:13)

Karon ngadto Kaniya kinsa maygahum sa pagbuhat og hilabihan nga kabuhong labaw sa tanan nga kita maghangyo o maghunahuna, sumala sa gahum nga nagalihok sulud kanato. (Mga Taga-Efeso 3:20)

Dili gayud magmabalak-on, kundili sa matag-butang pinaagi sa pag-ampo ug pangamuyo uban sa pagpasalamat tugoti ang inyong mga hangyo nga mahibaloan sa Dios. Ug ang kalinaw sa Dios, nga nagalabaw sa tanang panabut, moguardiya sa inyong mga kasingkasing ug inyong mga hunahuna pinaagi ni Kristo Jesus. (Mga Taga-Filipos 4:6–7)

Ako makahimo sa tanang butang pinaagi Kaniya kinsa nagapalig-on kanako. (Mga Taga-Filipos 4:13)

Ug ang akong Dios mosangkap sa tanan ninyong mga panginahanglan pinasubay sa Iyang mga bahandi sa himaya pinaagi ni Kristo Jesus. (Mga Taga-Filipos 4:19)

Kay ang Dios wala mihatag kanato og usa ka espiritu sa kamahadlukon, kundili sa gahum ug gugma ug disiplina. (2 Timoteo 1:7)

Busa kita magduul uban sa kompiyansa ngadto sa trono sa grasya, aron nga kita makadawat sa kalooy ug makakaplag sa grasya nga motabang sa takna sa panginahanglan. (Mga Hebreohanon 4:16)

DOKTRINAL NGA MGA PAGTOON SA BIBLIYA

Doktrina sa Bibliya, ang unud sa pagtulon-an nga gikuha gikan sa literal nga interpretasyon sa mga Kasulatan, mao ang sukdanan sa espirituhanong kamatuuran. Ang pagtoon sa Bibliya nagasangkap og espirituhanong pampabaskog alang sa Kristohanon (Mateo 4:4).

Ang kamahinungdanon sa doktrina sa Bibliya pagahatagan gayud og importansiya (Salmo 138:2). Ang Dios nagasugo sa Kristohanon aron sa pag-usab espirituhanon (Mga Taga-Roma 12:2). Kini nga kausaban nagakinahanglan og adlaw-adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sulud sa daghang katuigan ang doktrinal nga mga klase sa Bibliya nga gitudlo ni R. B. Thieme, Jr., nakasangkap sa espirituhanong pagkaon alang sa iyang kongregasyon. Ang mga publikasyon ug audio ug video nga mga pagrekord sa iyang mga pagtudlo maangkon nga walay bayad o obligasyon. Alang sa pag-order ug kasayuran, palihug sulat o tawag sa Ministries o bisitaha ang website. Usa ka katalogo (sa English) sa doktrinal nga mga pagtoon sa Bibliya ang ihatag pinaagi sa paghangyo.

R. B. THIEME, JR., BIBLE MINISTRIES

P. O. BOX 460829
HOUSTON, TEXAS 77056-8829

www.rbthieme.org
713-621-3740

PALISIYA SA PINANSIYAL

Wala gayuy bayad alang sa bisan unsang materyal gikan sa R. B. Thieme, Jr., Bible Ministries. Bisan-kinsa nga nagatinguha og pagtulon-an sa Bibliya makaangkon sa among mga publikasyon ug audio ug video nga walay obligasyon. Dios ang nagasangkap sa doktrina sa Bibliya. Tinguha namo sa pagpadayag sa Iyang grasya.

Ang R. B. Thieme, Jr., Bible Ministries usa ka ministeryo sa grasya ug nagalihok sa hingpit ubus sa boluntaryong mga kontribusyong. Kon ang kamapasalamaton alang sa Pulong sa Dios nagapadasig sa usa ka magtotoo sa paghatag, siya adunay pribilihiyo sa pagtabang alang sa pagsangyaw sa doktrina sa Bibliya.

ANG TAGSULAT

Si ROBERT B. THIEME, JR. (1918–2009) nagapabiling usa ka makahuluganong tingog sa Kristiyanismo sa tibuuk kalibutan. Ang iyang makugihon, mapatin-awong pagtudlo pinasikad sa orihinal nga mga lengguwahe sa Kasulatan sumala sa makasaysayanong konteksto diin ang Bibliya nahasulat. Ang iyang modernong sistema sa bokabularyo, mga ilustrasyon, ug bibliyanhong mga kategoriya sa tin-aw nagpahayag sa dimasayup nga mga kamatuuran sa Pulong sa Dios. Si Thieme nakarekord og labaw pa sa napulog-usa kalibo ka oras sa mga sermon ug nakamantala og labaw pa sa usa ka gatos ka libro nga naglukup hapit sa Bibliya.

Si Thieme migraduwar didto sa University of Arizona (Phi Beta Kappa) ug Dallas Theological Seminary (summa cum laude). Ang iyang pagtungnga sa seminaryo nahunong tungud sa pagpangalagad militar sa Kalibutanong Gubat II diin siya misaka sa ranggo nga tenyente koronel sa Kwerpo sa Kasundalohan sa Kahanginan sa Estados Unidos. Sunud sa pagkatapos sa iyang padayon nga pagtungnga niadtong 1950, siya nahimong pastor-magtutudlo sa Simbahan sa Berachah sa Houston, Texas. Ang iyang malukpanong pagbansay diha sa Griyego, Hebreyo, teyolohiya, kasaysayan, ug textual criticism misangkap sa pundasyon alang sa iyang masuknaong propesyonal nga kinabuhi sa pagtoon ug pagtudlo sa Pulong sa Dios. Si Thieme miretiro isip pastor sa Simbahan sa Berachah human sa singkwentay-tres katuig sa matinud-anong pagpangalagad.

Kristohanon, **sa Kamalinawon!**

Angkona ang mga saad sa Dios, pagsagol kanila uban sa pagtoo, ug pagsulud sa kapahulayan sa Dios. Ang mga saad sa Bibliya magsulud sa divine nga panghunahuna ug maghatag sa magtotoo og kompiyansa diha sa Dios. Taliwala sa kalisdanan o kauswagan, ang magtotoo makahimo pag-angkon og mga saad sa paglig-on sa iyang hunahuna, paghinumdum sa doktrina sa Bibliya luyo sa mga saad, ug pagkab-ot sa doktrina nga mga konklusyon diin magporma og pasikaran alang sa usa ka lagsik nga espirituhanong kinabuhi.

Ang Kristohanong malinawon nakat-on sa paggamit og sugod sa divine nga mga kahinguhaan ug pagkaplag sa suludnong kalig-on ug kalipay.